



# মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071  
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

৩ মার্চ ২০০৮

## আমেরিকা উৎসব: মার্কিন কনসুলেট আমেরিকাকে নিয়ে এল উত্তরবঙ্গে

কলকাতা -- কলকাতার মার্কিন কনসুলেট জেনারেলের পাবলিক অ্যাফেয়ার্স অফিস শিলিগুড়ি কলেজের সহযোগিতায় আগামী ৬ - ৯ মার্চ শিলিগুড়িতে “আমেরিকা উৎসব”-এর আয়োজন করেছে। আগামী বৃহস্পতিবার, ৬ মার্চ বেলা ১২ টায় দীনবন্ধু মঞ্চের চারদিন-ব্যাপী এই অনুষ্ঠানের সূচনা হবে। “আমেরিকা উৎসব”-এর মাধ্যমে মার্কিন কনসুলেট জেনারেলের বিবিধ কর্মসূচি, পরিষেবা ও জনগণের প্রাপ্য সুযোগ সুবিধার বিষয়টি তুলে ধরা হবে। অনুষ্ঠানে এলে কনসুলেট আধিকারিকদের সঙ্গে কথোপকথন ও সাংস্কৃতিক মত বিনিময়ের সুযোগ পাওয়া যাবে। মার্কিন যুক্তরাষ্ট্রে পড়তে যেতে ইচ্ছুক সম্ভাবনাময় তরুণ-তরুণীদের জন্য প্রয়োজনীয় খোঁজ-খবর এবং পরামর্শও দেওয়া হবে। এছাড়া আগামী ৭ - ৮ মার্চ শিলিগুড়ি কলেজে দু’দিনের এক সাংবাদিকতা কর্মশালার আয়োজন করা হয়েছে। এই কর্মশালায় সাংবাদিকতা ও গণমাধ্যমের সঙ্গে যুক্ত ছাত্রছাত্রী, তরুণ সাংবাদিক এবং আগ্রহী শ্রোতার যোগ দিতে পারবেন। আমেরিকান সেন্টারের ডিরেক্টর ডগলাস জি কেলি এই উপলক্ষে প্রথমবার উত্তরবঙ্গ সফরে যাচ্ছেন।

“আমেরিকা উৎসব”-কে কেন্দ্র করে যে গুচ্ছ অনুষ্ঠানের আয়োজন করা হয়েছে তার মধ্যে অন্যতম হল ২০০৮ সালে আসন্ন মার্কিন প্রেসিডেন্ট নির্বাচন সম্পর্কে খোলামেলা মত বিনিময়ের সুযোগ। অনুষ্ঠানে থাকবে আমেরিকান লাইব্রেরির বইয়ের প্রদর্শনী যেখানে আকর্ষণীয় মূল্যে লাইব্রেরির সদস্যপদ গ্রহণেরও ব্যবস্থা থাকবে। এই অনুষ্ঠানের অঙ্গ হিসাবেই “আফ্রিকান-আমেরিকানস ইন হলিউড” শীর্ষক পুরস্কার-প্রাপ্ত মার্কিন চলচ্চিত্র উৎসবেরও আয়োজন করা হয়েছে। শিলিগুড়ি সিনে সোসাইটির সহযোগিতায় দীনবন্ধু মঞ্চ সভাঘরে এই উৎসবের সূচনা হবে শুক্রবার বিকেল সাড়ে ৫ টায়। রবিবার, ৯ মার্চ পর্যন্ত মোট পাঁচটি বিখ্যাত মার্কিন ছবি এতে দেখানো হবে।

ইউনাইটেড স্টেটস এডুকেশনাল ফাউন্ডেশন ইন ইন্ডিয়া (ইউএসইএফআই)-এর একজন প্রতিনিধি এবং আমেরিকান লাইব্রেরির ডিরেক্টর যথাক্রমে মার্কিন যুক্তরাষ্ট্রে উচ্চশিক্ষার সুযোগ এবং লাইব্রেরির বিভিন্ন পরিষেবা সম্পর্কে ৬ - ৮ মার্চ ঘন্টায় ঘন্টায় কম্পিউটারে পাওয়ার পয়েন্ট উপস্থাপনার মাধ্যমে বিষয়গুলি অনুষ্ঠানে উপস্থিত সকলের কাছে সহজ সরল ভাবে ব্যাখ্যা করবেন। “আমেরিকা উৎসব”-এর বিভিন্ন অনুষ্ঠানের জন্য কোনও প্রবেশ মূল্য নেই।

-----